

# مجله مطهره

۱۳۲۶

محل مطبعه و اداره :

جغـال اوغلانده امنیت

صندوغی جوارنده

شنکول یقوشنده

۲۵ نومبر

اضطار :

مسلكمزه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشور و اسلامیه در بحث ایدر و هفته در نشر اولنور .

آبونه بدلی

صاحب و مؤسسری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندربیلیرسه سنوی

۲۰ غروش فضله آلنیر

۱۰ تموز ۳۲۴

| سنه لکی | التی آیلانی | غروش |
|---------|-------------|------|
| ۶۵      | ۳۵          | ۳۵   |
| ۶۵      | ۳۵          | ۳۵   |
| ۱۷      | ۹           | ۹    |

ممالک عثمانیه ایچون

روسیه

سائر ممالک اجنبیه

بشنجی جلد

۲۵ محرم پنجشنبه ۱۳ کانون ثانی ۳۲۶

عدد : ۱۲۵

چو غالب ، جهت تفعلری تضاعف ایدر . چونکه بخاراده اصلاحات اجرا ایدیلر سه استاد ، معلم ینه روسلر اوله جقدر . بخاراده کی معادن وفیره ینه روسلر سایه سنده چیقاریله جقدر . خلاصه روسلرک منافعی قات قات تضاعف ایده جقدر .

بناءً علیه حیت اسلامیة ، اخوت دینیة ایجاباتندن بخارانک ترقی و تعالیسنه ، مجد قدیمک احیاسنه همت و غیرت بیورملرینی فخرمتلو امیر عالم خان حضر تدرندن رجا و امید ایدر ، موفقیاتلرینی جناب اللهندن تمنی ایلر .

نور علی زاده

غیاث الدین حسنی

### یمن احوالی حقنده رسمی تبلیغات

یمن قطعه سنک جهات شرقیه سنده صعود حوالیسنده متمکن وزیدی مذهبنه سالک اولان امام حمیدالدین وانک وفاقی اوزرینه اوغلی امام یحیی وعونه سی یمنک تحت اداره عثمانیده بولنان جبال قسمنه سین عیدددن بری تجاوز و برارالق مرکز ولایت اولان صنعایی استیلایه قدر تصدی ایلملرله حکومتجه بالذفات قوای عسکریه سوق ایله دفع و تنکیل ایدملرکن ینه فرصت بولدقجه تجاوزدن خالی قالمملری احوالیده استقرار امن و آسایشه مانع و اهالینک حضور و راحت سالب اولدیغندن و یکیدن سوقیات و حرکات عسکریه اجرا سنده او صره لرده امکان کوریه مدیکندن قطعه مذکورده تأمین آسایشه مدار اولمق اوزر یمنک جبال و تهامه قسملرینک بالتفریق ایکی ولایته تقسیمیه جبال قسمنک والیلکنه صنعاده قامت ایتک اوزره مومی الیه امام یحیا نیک تعینی و محلهجه مأمورین شرعیه و ملکیه و ضابطه نیک نصبی ایچون کندیسنه صلاحیت اعطاسی و جبات ایده جکی اموالک یکونندن مصارف محلیه چیققدن صوکره فضله قایر سه مرکز سلطنته کوندرلمی و صنعاده بر مقدار قوه محافظه بر اقله رق اردو مرکزینک مناحیه نقلی یولنده حکومتجه بعض مقررات اتخاذ ایدیلوب بر قانون مخصوص ایله قوه شرعییه تکلیف اولنش ایدسه یمن ولایتی تقسیمات طبیعی اعتباریه جبال و تهامه ایله عسیر قطعه لرندن مرکب اولمق اوزره اوج قسم اولوب جبال قسمنده مقیم وزیدی مذهبنه سالک اولان مومی الیه امام یحیی نیک آنجق جبالده ساکن زیدیلر اوزرنده نفوذی جاری و تهامه و عسیر جهتلرنده مقیم و اکثریتی شافعی مذهبنه منسوب بولنان قبائل ایله یزلرنده مذهبا و مسلکاً اختلاف موجود اولمسیله جبال قسمنده تطبیق ایدیلر جک بو اصول ایله یمن قطعه سنک اقسام سائر سنده تأسیس و تقریر آسایش ممکن اوله میه جنی نظر تأمله آنذرق باخصوص اوصره ده عسیر جهتلرنده سید ادریس نامنده برینک ظهوریه کرک عسیر و کرک یمنک تهامه جهتلرنده ساکن قبائل و عشایری کندینه انقیاده عهد و پیمان ایتدیروب بعض مواقعی حصر و تضییق و یولاری سد و قیامه قیام ایتسی ده بوملاحظاتی تأیید ایلرک یمن مسئله سنک او یولده حل و فصلی ممکن اوله میه جنی آکلا شلمسیله یمن قطعه سی

حقنده حکومت اجرائیه جه تدابیر اساسیه اجرایی قرار گیر اولمشدی . بالاخره مرکز جه حرکات عسکریه اجرایی مانع احوالده زائل اولمسیله حکومتجه یمن و عسیر ایچون بالمله لوازم و مهماتیه یکیدن قوای کافی عسکریه ترتیب و سوق و یمن رلایتندن بالتفریق مستقل متصرفلق حالته افراغ اولنان عسیر متصرفلق و قوماندانلغنه میرلوا سلیمان پاشا و یمن والی و قوماندانلغنه ده صلاحیت واسعه ایله میرلوا محمد علی پاشا تعیین و سوا حاکم محافظه سی ایچون ده غائب و طرر تخصیص اولنهرق قوای عسکریه نیک و رودینی متعاقب لحیه و زهره جهتلرنده کی قبائل تأدیپ و مسدود اولان حجور وجهه قنفده و ابهنا یولاری کشاد و جوارده کی قبائل دخی رهینه لر و یردرک تحت اطاعت ادخال ایدلدی . آنجق حکومت سینه نیک اساس مقصدی سفک داندن اجتناب ایله جمله ممالک عثمانیه ن اولان حوالی مذکورده اهالینک مزاج و احتیاجنه موافق اصلاحات اجرایی و مرکز اطاعتدن خروج ایتش اولان قبائلک نعمت عدالتدن تأمین استفاده لرله خلافت اسلامی و حکومت عثمانیه ارتباطلرینک و بوضورتله مملکتده حضور و آسایشک توثیق قضیه سی اولدیغندن بر طرفندن ده اراقه دمدن اجتناباً مومی الیه سید ادریس دائرة صلاحه دعوت ایدیلرک قوه سیاره قوماندانی سعید پاشا ایله عسیر متصرف و قوماندانی سلیمان پاشا کندر سیله ملاقی اولمشلردی . مومی الیه ده اوصیراده مقام خلافت عظمایه عرض صداقت و ادیسناه بولنهرق نام نامی خلافتینهایه خطبه قرائت ایتدیردی کی تکالیف امیریه نیک استیفاسنده و تلغراف حدودینک تمیدندده حکومت و عسیر معاونه آتایینی بالفعل ابراز ایتدی . عسیر قطعه سنجه شوضورتیه و قوعاتک اوکی آلمسی و یمنک جبال قسمنده و اوشانده ده امام یحیی طرفندن سوقیات عسکریه نی ایجاب ایده جک حرکات تجاوز کارانه نیک عدم ظهوری حسبیه حکومت سینه تعقیب ایتدی کی مقصد عدالتکاری به بالمساله وصول ایچون حرکات عسکریه دن صرف نظرله یمن و عسیرده کی قوای منظمه دن طوطیجی و مترالیوزلری ابقا و پیاده طابورلرینی ترخیص ایتدی ، بر طرفندن ده قطعه مذکورده نیک مزاج و احتیاجنه موافق تدابیر اضلاحیه به ابتدار ایدلدی . اول امرده اهالینک تمیاتی و جهله یمن و عسیر قطعه لرده احکام شرعیه نیک تمامی اجرا سیله قصاصدن ماعدا تعذیرات شرعیه نیک محاکم شرعیادن صادر اولان اعلاملر اوزرینه در عقب انفاذی ایچون باراده سنی خلافتینهایه محالرینه مأذونیت کامله و قصاص اعلاملرینک ده دائرة جلیله مشیخته بلا تأخیر تدقیقاتنک ایفای ضماننده ایجاب ایدلره اوامر لازمه اعطا و احکام شرعیه نیک سرعت تطبیقی تأمین ایچون جهت شرعیه دن یمه برده هیئت تدقیقیه شرعیه تعیین و اعزام اولوندی .

یمن اهالینک درجه فقر و احتیاجی نظر دفته آلنهرق احوالیده اوتندن بری استیفایی معتاد بولنان و مقدار سنویسی سکسان بابک لیرایه بالغ اولان رسوم متفرقه دخی مجرد بر معامله رافتکاری اولمق اوزره مجلس عمومی قراریه عفو ایدلدی .

اهالینک نعمت معارفدن تأمین استفاده لر ایچون مکاتبک تکثیر

واصلاحی نظر دقته آلتورق کچن سنه اوتوز اوچ و بوسنه یکر می بر ذکور و بر اناث ابتدائی مکتبی کشاد و اولدن موجود اولنر معلم و معاشلرینک تزییدی صورتیه اصلاح و صنعاده کی اناث مکتبی ایچون مکمل بر بنا انشا ایدلدی ؛ دهبا یکر می ابتدائی مکتبنک ده کشادی اسبابنه و جدیدده بر نمونه مکتبی تأسیسنه توسل اولندی .

امور نافعه دخی نظر اهمیتدن دور طو تلمیه رق بوسنه ظرفنده صنعادن مناحیه قدر سکزیوز کیلومتر و پول انشاسنه باشلاندی . مملکتک حصول معموریت و ترقیاتی تأمین و واسطه یکانه اوله جنی درکار بولنان حدیده و صنعا تمور یوانک و جبانه لیمانک انشاسی تقرر ایتدی . زراعتک اصلاحی ایچون در سعادتدن حدیده لزومی قدر چفت آلات و ادواتی ارسال و قضا و ناحیه لره توزیع ایتدیرلدی .

اهالینک منافع مملکتدن استفاده لرینی تأمین و حکومته ارتباط لرینی تشدید ایلیمک و قیافت مله لرینو ده محافظه ایتک اوزره ریلدن ژاندارمه طاہور و بلوکلری تشکیل ایدلدی .

سادات و مشایخ محلیه دن ایلری کلنلرک حکومتجه معاش تخصیصی صورتیه اقدار لری نظر دقته آلتدی . باجلده واقع جامع کبیر تعمیر ایتدیرلدی . حدیده و باجل آره سنده کلوب کیدن عسکرک و یوخلیلرک تأمین استراحتلری ایچون عریشلر یاپدیرلدی .

یمن قطعه سنجه اخلاص آسایشه دخل کلیسی اولان قچاق اسلحه ادخالاتک منعیله انضباط محلینک تقریری ایچون یمن سواحله اولجه اوچ غایبوت اسرا وایکی سنوق انشا قلندی کی اخیر آده آیریمجه ایکی غایبوت کوندرلش واون سنوقک دها تدارکی و سواحله ایجاب ایدن نقاطده بلوق هاو زلر احدثی در دست بولنمشدر .

حکومتجه شو صورتله مملکتک اعمار و اصلاحنه و اهالینک تمدن و ترفینه عائد تدابیر جدیدیه بتدار و بویولده کی توسلات احتیاجات و ایجابات محلیه یه توافق ایدله جک تدابیر سائر اصلاحیه ایلده توثیق و اکمال ایدیلجه کی صروده عسیرده کی سید ادریس برامارت تشکیلی فکرله یکیدن حرکت و امام یحیی دخی قبائل مطیعیه کی حکومت عاینه تحریک ایلله تحت اداره عثمانیه ده بولنان محللره و صنعا اوزره تجاوزه قیام ایلدیکندن مومی الیهمانک حرکات و تجاوزات احیره لرینک درجاتیله حکومت سنیجه اتخاذه مسارعت اولنان تدابیرک ماهیتی دخی آیریمجه بیان و تفصیل اولتور .

عسیر متصرفلغندن آلتان تلغرافنامه لره نظراً سید ادریسک کندیسنه منقاد اولان قبائله آلتی آیلوق ارزاق و اسلحه و جیخانله لرله حاضر اوللرینی اعلان و طرف طرف آدمیر سوقیله خاقل عصیانہ دعوت و جزاندن ابه ایله افراد جدید و مستبدله نک کلوب کیتمنی منع ایلدی کی آکلاشلدینی کی یمن ولایتندن کلن تلغرافنامه لره ده سید مومی الیه اهالینک سلاخله رق امرینه حاضر اوللرینی اعلان و تنییه و القوزده کی قچاق اسلحه و جیخانہ یی نزدینه جلب ایلدی کی و درت ضابط ایلله بش نفر عسکرک صیاددن کچرکن توقیف ایلدکلری و ادریس طرفندن دولته مطیع قبائلندن ده متصل رهینه لر

طو بلائمه ده ورهینه آلدینی قبائله مدیر و نائبلر تعیین ایدرک قصاصه و قطع یدہ دوام ایدلکده اولدینی و ابهانک جیزان و قنقده ایلله طریق مواصله سی منقطع اوله رق اوراده کی قوتک محصور بولندی و ادریسک یمن تمامه سنده ده افساداته قالقیشه رق زراعتلرک فکرینی زهرلیدی کی ولجیه ایلایمیدی آره سنده کی تغرافلرک قطعنه تشبث ایلدی کی و الیوم رسومات اداره سی محافظه مأمورلرینک ادریسک کوندردی کی اشقیا طرفندن قالدیریلهرق محال مجبوره یه کتورلدکلری و مبعوثاندن علی سویدی افندی یی انشای راهده در دست ایتدیرلرک النظیره نامنده کی جبله تبمید ایلدی کی بیلدیرلشدر . عسیر متصرفلغندن ۱۱ کانون اول تاریخنده چکیلوب بوکره ورود ایدن تلغرافنامه ده ده ابها بر آندنبری محصور اولوب تدافعی حربلرک دوام ایتکده اولدینی و الحاله هذه ایکی بیک قدر تخمین اهلان محاصرینه مواقع بعیده ده کی عربانک ددالتحقاقلری محقق ایدوکی و ادریسک برامارت تشکیلی قبائله اعلان و بوبابده یکیدن عهدلر طلب ایلدی کی از بارقلنمش اولدینی کی متصرف مومی الیه طرفندن جیزان مفرزه عسکریه سی قوماندانلغیه جیزان قائم مقاملغه کوندریلوب صورتی پوسته ایلله بوکره نظارته ورود ایدن تخریرات مؤداسنده دخی ابها مرکز نجه عربانک تعرضات و تجاوزاتنده موجب اندیشه بر حال اولیوب بوتون عسیر اهالیسی طو بلائسه آلره قارشى بعون خدا مدافعه امکانی موجود و آیلرجه ییه جک ذخیره و جیخانہ نک مدخر ایدوکی و ادریس اطرافى افساده چالیشمقده ایسه ده الله بر چوق رهینه لر اولدینی بعض قبائل ایلله ادریسک آدملری آره سنده ضدیت و نفاق کیرمش اولدینی آکلاشلمشدر .

جبال احوالنه دائر یمن ولایتندن ورود ایدن تلغرافنامه لره ده امام یحیی طرفندن تعز مشایخنه خطاباً برورقه تخریر وارسالیه کندولری جهاده دعوت و ژاندارمه و عساکر ملینه افرادینک قانی هدر عدا ایلدی کی و مؤخرأ الحدا و پریم جهتلرینه بیکی متجاوز اشقیاده سوق اولنسیله قوای کافی عسکریه رتیب قلندر ق و قوع بولان مصادمه ده اشقیا آلتش اوچ مقتول و یوز اون اوچ مجروح ویره رک منزه مأ فرار ایتدکلری و عساکر شاهانه دن ده قرق نفرک مجروح و شهید دوشدکلری حجه نک سوق الحسیددن نقل ارزاقه مأمور مفرزه ایلله اشقیا ارسنده و قوع بولان مصادمه ده دخی اشقادن اونو نک مقتول و یکر می بشنک مجروح اولدینی و اشقیا طرفندن واعظانده بر طاقم قرانک احراق ایلدی کی و امام طرفندن حجه ، انس قضالرینه ، عمران جهتلرینه و دیگر بعض قضا و نواحیه یه چتله رتیب سوق ایلدی کی ، واسع مقیاسده اولان بوتربیتادن مقصدی صنعا - حجه و صنعا - تعز یوللرینی قطع ایلله عمومی بر عصیان وجوده کتیرمک اولدینی ولجیه و حجه یولنک ده قبایلی بولندی کی و صنعا نک هر طر - فدن مواردی ، جبالده کی مواقع عسکریه نک بر بریله اتصالاتی منقطع اوله رق او حوالیده کی قرا اهالیسنک عائله لرینی و ماللرینی قاجیروب حربیه حاضر لائمه ده اولدقوری اشعار ایدلشدر .

تفصیلات محرره دن آکلاشله جنی اوزره کرک امام یحیی نک کرک سید ادریسک منویاتی یمن و عسیر قطعه لرینه اجرای تحکمن دن عبارت

بولندی شهید و ارسته اولدیغنه و حکومت سنیه جه سفک دمایه میدان ویرله ملک املنده بدایت مسئله ده بر تدابیر آتقیه به مراجعت و بوم مقصدی استحصالی ایچون ادریس طرفدن اولجه کندیسنه و عهد مطاوعت ایدیلن میرلوا سعید پاشا عسیر متصرفلق و قوماندانلیقه اعزام قلنهرق حسن صورتله آتقیه مصلحتیه غیرت ایدلکه برابرامام یحییانک توسیع دائره فسادیه حرکات تجاوزکارانه ده دوام ایلکهده بولمسنه بنه حکومتجه دخی ارائه سطوت ایلده دفع مضرت اسبابنه مبادرت ضروری کوروله رک هر دلو لوازم و تجهیزاتیله ۳۱ طابور عساکر شاهانه ایلده بش بطاریه طوب و ۳ مترالیوز بلوکنک بالترتیب سوخته مباشرت اولمش و بتوفیقه تعالی ارباب شقاوتک قریباً دفع و تنکیله آسایش محلینک تأمین و نتیجه اجرا آتده حوالی مذکورده جه لزوم کوریلن اصلاحاتک تطبیقنه دوام اولمشی مقرر بولمشدر .

نصف محمد رحیم باد کوبه لی

### درسعادته صراط مستقیم راله معتبره سنه

بو کون ( ۹ کانون ثانی افرنجی . پارا ایرتسی ) استانبولدن آلدیغ ( ۱۲۲ ) عددلی صراط مستقیم نسخه سنده از میرده منتشر ( اتحاد ) نام غزته دن نقلاً یارسک ( ماتن ) جریه سنده نشر ایدلش بولنان صوک مکالمه مک اتحاد فرقه سی رئیس و منشأ مبعوثی خلیل بکه نسبتله ترجمه سی اقتباس اولندی کورلدی . مکانه ک لوندرد و وقوع بولسی ایلده برابر اسم و هویت مقدمه مکالمه ده صراحت تامه قطعه ایلده تعیین ایدلیکی حالده اتحاد غزته سنک آتی از میرجه معروف اولدیغی آ کلاشیلان خلیل بکه نسبتله ترجمه و درج ایلمسنده کی معیندارلق آشکاردر . لوندرد جاع شریفی ایشی ابتدا ایلری سوردیکم صروده از میرده کی اتحاد غزته سنک دخی او بایده درج اعانه ایلک ایستدیکنی ( صباح ) ده او قوش و او غزته به بر مکتوب یازارق خیر عامه به متعلق اولان و عموم نظر نه مسئولیت کبیره یی ایجاب ایده بیلکه حلاتدن بولنان بو خصوصده ایشک مروجلری خبردار ایلش ، رجاده بولمش ایدم . شیمدی به قدر مذکور غزته دن بوبایده بر جواب بیله آله مدم . آ کلاشیلور که مذکور غزته بعض مرتبه اغراض شخصیه به قابلمشدر تأسف اولنور .

( صراط مستقیم ) بشقه سنه نسبت ایدیلن مکالمه مذکورده عاجزینک اقتباسدن صوکره کندی طرفندن ده بمض ملاحظاته بولنیورده : « خلیل بک دیپلوماتلی ( پان ایزلامیزم ) کله سنک تور کچه مزده مقابلی موجود دکلدرد . دیه جک قدر ایلرو کتورمه سنی کوکل آرزو ایدردی » دیور . کلامک قائل حقیقی صفتیه بو کابن جواب ورملیم . ( اتحاد اسلام ) ایلده ( پان ایزلامیزم ) آیری غیری شیلردر . برنجیسی لوی محمدی بی تقدیس ایدن اقوام مختلفه نیک توحید قلوبنه خادم اولور . بنه علیه ماهیتنه بر مقصد انسانیتکارانه مندجدر . حال بوکه ( پان ایزلامیزم ) بر مقصد سیاسی ایلده آوروپاده ایجاد اولمشدر که اسلامیتک معقولاته مستند بر مؤسسه مقدسه اولدیغی آ کلایه میان غریبون نظر نه مدنیت حاضره آثار حسنه سنه قارشی احداث ایدلش و متعصب باطل مذهبدن ایلری گلش بر تدبیر مضر سیاسی اولمق اوزره تلقی ایدیلوب کیتمکه در . مکالمه طوغری و تمامیه ترجمه ایدلش اولسه ایدی صراط

## مکاتیب

نصف دره :

صراط مستقیم جریده اسلامیه سنه

آوروپا جرائدینک شریاتنه نظراً اسلام رؤسای روحانیه سنه بر طاقم اشخاصک اسنادات و افرا آتده بولندیغی آ کلاشیلور . بویه ناحق مقاله لر نشر بیله علماء کرام حضرتانه افرا ، بهتان ایدنر کندی وجدانزینک بیله خلافت اولهرق انصافسزلقله کمال عداوتلری و اغراض شخصیه لر بی اظهار ایدیورلر . بویه ذنات و آلاشدن ، مقدس و منزله اولار مقامات علویه بی لکه دار ایدوب عامه مسلمینک او مقامه اولان رابطه و محبتلری کسمک ایسته یورلر . نور آفتابک شعاعی بویه پرده لرله ستر ایتک ممکن اولمادیغی خاطر لرندن چیقاریورلر .

صفحات تاریخیه کوز کزدیرن هر بر صاحب حمیت تصدیق ایدر که هر نه زمان بر قوم ، بر ملت طرفندن ترقی و تمدنه طوغری خطوه انداز اولمق ایستلدیکی زمان رؤسای روحانیلری مانع اولدیغی حالده اسلاملرده ایسه بالعکس بو کی حرکاتک پیشرو لری علماء ، و رؤسای روحانیلری اولمشدر . بوکا ، ایران قطعه جیمه سنده استحصالی مشروطیت اوغرنده دو کولن قانلرک اکثریتی مجتهدین کرام حضرتانک قانی اولمشیه بیوک بر شاهددر . حال بویه ایکن مشروطیت ایرانیه نیک ترقی و تکمیلنه هیچ بر در لوراضی اوله میان اجنبیلر ایرانلیرده سرزده ظهور اولمایه باشلایان وطن و ملیت فکرینک اک زیاده مجتهدین کرام حضرتاتی طرفندن نشر اولمقده اولدیغی کورده رک پک زیاده قوشقولا مایه باشلادیلر و بر طاقم جیمتسر آلچاقلری ده کندیلری قاهره قهر و وسيله دن بالاستفاده علماء کرامک اهالی اوزرنده اولان نفوذ و تأثیرلری قیرمغه چالشدیلر .

مجتهدین عظام حضرتانک مقام نیفلرینه العیاذ بالله کفار دن رشوت اخذ ایتک کی پک بیوک بر بهتان اسنادیه قدر واردیلر .

بوزلرک کافه سنه رغماً نصف و سائرده بولنان رؤسای اسلام حضرتاتی آفتاب مشروطیتک ابتدای طلوعنده نه درجه به قدر فدا کارلقلر ابراز